

元始无量度人上品妙經卷之三十五

九宮仙籍品

道言昔於太碧天中紫霞玄歌太空真土受元始度人九宮仙籍無量上品元始天尊當說是經周回十過以召十方始當詣座天真大神上聖高尊妙行真人三元仙籍九宮大神無鞅數眾乘空而來流雲景霄琅輿鳳車羽葆神旛翠輦珠蓋金碧交光九色鬱明洞煥太空三日三夜諸天日月宮府星宿躔次化綱變紀大經彌綸停機息運寥廓沈冥地踴寶花天敷赤文韶響合奏靈韻生音輝耀上境洞開八門一國地土山川林木緬平一等無復高下土皆作紫瑤通明瑩徹照映圓羅光焰流晶

道藏輯要

度人妙經

圭

角集七

無有異色眾真侍座元始天尊玄坐空浮神化飛龍羽座之上說經一遍諸天大聖同時稱善是時一國男女心開悟解密契妙微說經二遍百神聚會降體玉英說經三遍生氣交纏合變正道說經四遍圓虛應化五府灌煙說經五遍內運修輪上符天範說經六遍浩劫結滯廓爾消融說經七遍神洞虛明徹見十方說經八遍九宮注籍身飛列仙說經九遍恩沾萬有福及八冥說經十遍寒夜眾生逍遙離苦是時一國是男是女莫不傾心皆受護度咸得長生

道言是時元始天尊說經一遍上元無極無量品玄都紫微宮正氣大神無鞅之眾浮空而至說經二遍上元無極無量品元

黃太極宮合景大神無鞅之眾浮空而至說經三遍上元無極
無量品洞白太清宮耀輝大神無鞅之眾浮空而至說經四遍
中元無極無量品洞虛清靈宮運功大神無鞅之眾浮空而至
說經五遍中元無極無量品南極洞陽宮仙籍大神無鞅之眾
浮空而至說經六遍中元無極無量品羅淵導山宮元陰大神
無鞅之眾浮空而至說經七遍下元無極無量品青華方諸宮
安保大神無鞅之眾浮空而至說經八遍下元無極無量品南
水景脩宮元道大神無鞅之眾浮空而至說經九遍下元無極
無量品陰天混化宮玄皇大神無鞅之眾浮空而至說經十遍
仙府無極無量品考校功過玄籍靈宮大神無鞅之眾浮空而
道藏輯要
度人妙經
矣
角集七
至十遍周竟三元九宮二十七府百二十曹主領生化善惡飛
天大神一時同至一國男女傾心歸仰元始天尊卽以五明寶
扇指東南維天光煥赫照耀太空天人隨扇所指仰視神化見
一寶山高聳玉虛廣大難量上有瓊臺玉觀華闕神功羅列天
眞敬禮元始飛空步虛謠歌讚歎天尊乃召清微高上治化玉
虛萬寶一品天官黃闕大鎮敷化方輿元會二品地官大溟流
運廣化九淵玄德三品水官立於座右三十二天帝君立於座
左九天高聖自然眞王立於座前日月五斗經緯列宿元綱大
神立於座後曜晶玉極持握彌綸二十五大魔王十方無極飛
天大神按部九天儀衛三界神兵瓊花散空天樂互奏導從羽

駕飛入東南天中天人仰看惟見億乘萬騎鳳輦龍車炳若繁星難可悉視須臾黃雲四合不復瞻見元始卽於東南玉闕之內說經都竟眾眞監度以授於我當此之時欣樂難言法事既周萬眞復位俄頃之間寂爾無聞是時天民悟此大範普獲濟惠皆得長年永斷沈淪合境歸嚮咸識生根神眞開化標名九宮冲和變氣收伏祿凶物無瘥疹萬彙昭融邪關闔塞正道開通永輔上極威令敷弘世土升平國康民豐經始流布一國演教各運至心宗奉禮敬悉皆度世

道言元始天尊說經中所言並是九天自然眞王內名隱韻之音亦是三元宮府內諱百靈之隱名也非世之常辭上清開化

道藏輯要

度人妙經

七

角集七

眞人通眞悟玄悉契其章誦之十過天官遙唱眞公設禮太淵鎮靜神嶽收雲元皇錫教九宮書名大魔伏形羣祿滅景回靈化體朽骨成人妙學上士誦之十過則九官擁衛神帥稽顙鬼精逃遁不敢干犯濟拔品彙淪而復升也神州之民初學至道若能依科誦之十過則萬惡消摧千瑞來臨聲參太微道貫紫霄三元執筆注上九宮果備功圓升爲地眞也輕誦玉文永劫湮沈崇奉尊禮所願克成世世下教開度含生萬魔不干天眞護門斯經隱奧高祕玉清度人無極爲靈寶之宗巍巍尊妙難可稱量

道言凡誦是經十過九宮列曹眞吏持生化之簿書下臨監觀

削滅羅酆黑籍注名青編祖先幽魂皆得上升流火之庭鍊質召靈爲天種民而妙契有無修行至學大魔保奏升度朱陵飛行八極遊宴上清降神天闕爲世賢人恢張至道輔弼明君世人受誦則百病普消靈府虛明玉華內鍊金光外凝暫寄厚土太陰變形數極純陽隨運更生此經之奧與晉濟無邊一切有生莫不蒙惠無量之福生化受賴上天所禁不傳下凡至士齋寶玉格心盟約而傳輕慢洞章殃及七玄長役冥塗侍經九宮玉童玉女各二十四人擁護靈文守衛受經者身

道言正月長齋誦詠是經紫微上宮注籍金科妙行真人乘少陽景霄之光下開幽關拔度上世亡魂升入天堂七月長齋誦

道藏輯要

度人妙經

庚

角集七

詠是經洞虛元宮書功瓊簡龍耀神王奏明九天降以生氣身得神仙十月長齋誦詠是經方諸洞宮列章上聞持綱執紐玄天大魔清蕩姦祇收伏百精消滅三災保世升平八節之日誦詠是經得爲地真遊宴八冥本命之日誦詠是經五府灌鍊雙景交纏九元上會混合綿綿制魂拘魄升騰絳煙采集華芒流運靈泉功滿道備神飛列仙

道言行道之日皆當香湯沐浴齋戒入室東向叩齒三十二通上聞三十二天心拜三十二過閉目靜思身坐九色雲氣之中內外翳冥有青龍白虎朱雀玄武獅子白鶴羅列左右三元九宮仙籍大神森然對目日月照明洞煥室內頂生圓

象光映十方如此分明密咒曰

無上玄元太上道君召出臣身中三五功曹左右官使者侍香
玉童傳言玉女五帝直符直日香官各三十六人關啟所言今
日吉慶長齋清堂修行至經無量度人願所啟上徹徑御
無上三十二天元始上帝至尊几前畢

引炁三十二過東向誦經

道藏輯要

度人妙經

堯

角集七

元始無量度人上品妙經

元始洞玄靈寶本章九宮仙籍上品升降度人大經離合結氣
自然玉洞紫文森羅景真虛無至化流範成尊圓光分妙洪象
飛根九宮育質帝一生身琳瑯廓落赤文化生奔天迴水三極
玄津眇眇層闔運空飛輪安陽紫微同歸帝宸是爲極變雲宮
太霄鬱察神邱玉虛陽寥須延飛霞熒晶散飆劫仞元臺敷靈
列曹數周綱維大運相交蕩蕩天闕經緯華城流爛泛境保天
蔚明中有萬垣太帝之眞中有三官廣治之君中有九宮主籍
之靈中有化周開導丈人中有二十七府百二十曹陰陽水火
考校生死靈官大神敷引至妙濟度天人遊觀太空護世長存
道藏輯要

度人妙經

平

角集七
x611

上朝大羅下治泉局總領北酆按察雲營神符告命玄詔奉行
今日宣示諸天臨軒

東方無極廣生神王長生大聖無量度人
南方無極執範神王長生大聖無量度人
西方無極司伐神王長生大聖無量度人
北方無極普利神王長生大聖無量度人
東北無極鎮極神王長生大聖無量度人
東南無極運化神王長生大聖無量度人
西南無極保經神王長生大聖無量度人
西北無極玉輪神王長生大聖無量度人

上方無極紫霄神王長生大聖無量度人
下方無極黃闕神王長生大聖無量度人

十方無極飛天神王長生度世無量大神並乘素雲飛輿浮光
葆輦羽蓋飄輪驂駕朱虎神鳳金鸞建綠霞之節翠耀華幢前
導九天神印後仗伏魔信旛素靈秉鉞青真執麾神帥啟塗玄
老主盟億乘萬騎浮空而來傾光回駕促氣召仙紫霄丞相太
極上宮清微治錄一品天官執簡捧籙齊會帝前隨所肇化開
示諸天普告八冥浩蕩神闕混合之府七都九淵羅酆暗域寒
刃冰山炎城火翳剛風九旋考功六司羣魔同宮激颿迅流劫
運交衝九宮符命伏制妖凶威光下濟普赦罪魂升入福堂度
道藏輯要

度人妙經

全

角集七
川卷八

品朱陵逍遙解脫眾苦咸原超生受化慶會因緣隨劫運轉與
天齊年過度三災九厄之難永居上境遊行九清九清之天天
帝洞玄無色之境梵行

東方八天

玄利族延天

帝澄源舒明

釐豐隱華天

帝慶百靈

昭靈碧滌天

帝略儀耀和

晉師長齡天

帝玩生無遺

漳亭主仙天

帝恪順預平

明極迴真天

帝漠題甦英

昧思純氣天

帝定玄景監

靜解應誠天

帝隆歆蛟淵

南方八天

皓明慶運天

帝植秀友良

炎華赤芒天

帝託端承光

鍊真消魔天

帝一求微藍

寂度忘塵天

帝謹悟濟

靈鑑射玄天

帝紹儀祕常

太極校仙圓明正化天

帝力彊捐

赤岡飛霞鍊中天

帝無待資宣

道藏輯要

度人妙經

全

角集七

靜常惠神天

帝篤慶生

西方八天

鍾仙校錄天

帝披冲薦光

扶善紀功天

帝都盈撩鄴

西昌奉真天

帝辨世正開

鬼靈隔屏除魔天

帝鍊咸俞全

逸曦助爲號明天

帝勃陽持雲

張虛留契左神天

帝諒真召椿

伯化救傷拯物天

帝覺義通

都司召靈天

帝彌忠希恭

北方八天

宣陰布化天

帝詢蒙若賒

伏魔掌錄天

帝正威奠明

氣輪壘業天

帝嶽昌祠宗

昇真進澄天

帝輔東登華

陶晶止思天

帝穹嚴犁

運龍直陽天

帝烈江純思

九宮典嶽天

帝優圖訥庸

順靈濟幽天

帝呼成白康

三十二天三十二帝諸天隱諱諸天隱名天中空洞自然靈章

道藏輯要

度人妙經

全

角集七
四上

諸天隱韻天中之音天中之尊天中之神主錄真魔仙籍玄靈
九運十周變化杳冥無量隱妙廣不可量紀籍元真和合天人
功書玉錄升進飛宸今日玄關應體洞告無垠削落黑籍幽素
高奔徊風上範超度弱淵大魔伏謁同揮玉軒東斗發生西斗
執權北斗布澤南斗主遷中斗廣化攝御靈官青帝降神白帝
制氣赤帝育胎黑帝合志黃帝坐鎮統天大惠青宮真王碧羅
定基赤宮真王丹文耀開白宮真王玉景蔚扉黑宮真王紫素
員微黃宮真王金方化機五宮高靈萬天之尊飛行九垣總領
天兵持幢秉節遊眄太冥神威赫奕與道交并上天度人大憲
流行元皇受命掃殄不祥石光交煥天令恢張玉馬奔馳巨獸

銜岡炎精遐布封落靈鄉敢肆干犯束縛誅摧玄鉞左戮玉斧
後夷除蕩怪魅殺伐祇蜚正大元極寶運同歸魔無干試邪無
遁形九署列曹校錄鬼營不容意縱天吏飛呈普告靈闕羣真
仰聽三界十極咸使知聞

靈書大策寶錄玄篇周化五常三氣推延太極布形晶耀綿綿
混洞浩劫眇莽升遷六氣代交無極無邊上陳五斗下布九淵
風包太空徊水騰天玉京植立太素九城戔戔琳房仙籍命真
翠霞蔚蕭散飄長庚凝爲山嶽流爲百川中藏上靈統領萬緣
元綱流轉三界諸天包絡碧虛纏結生關旋紀度經回運極炎
三十九帝統御四玄八治分真氣合淵源皇中紫宸玉府絳霞
道藏輯要
度人妙經
畬
角集七
冥景洞英吟嘯玄華金書蔚明虛泛雲宮玉謠鍊質神音散沖
瓊闕騫秀開導元功千運萬周自然成真真中有神天官大君
紫微玉輔陽谷高尊嬰兒伯史太一千精總執玉符保奏生根
上遊太虛出入圓羅玉山之岫蕭仞之阿下應人身五府靈河
腦宮之戶方池百盈六洞回泉檀質飛青青華九微開度天人
上啟雲綱八門玉輪大福禁誥善惡因緣普獲濟度死魂生身
身得受生上聞帝庭帝庭之上各有玄音中有九宮闢闔之章
三元靈歌辭參高真

第一九宮羣仙飛空之音

八明四虛

包含九宮

赤混高清

交羅太空

八圓之上

風澤之中

洞合杳冥

下鎮北酆

三官統領

中有至神

執天大憲

與道同功

立以天帝

主以玉真

妙化生育

三十九君

上輔元始

浩劫稱尊

出入有無

飛遊玉京

洞章下教

萬天告行

第二九宮仙籍之章

紫瓊天策

玉極真科

高真隱諱

上祕圓羅

朱壁列名

紫素三華

道藏輯要

度人妙經

金

角集七

飛仙列聖

赤文煥霞

玄金寶簡

黃玉柔編

總記羣真

帝心所銓

太極玄宮

校籍命仙

憫彼世人

逐物流遷

魂升魄降

沈淪九泉

胡不登山

詠此洞篇

一悟至道

身飛帝軒

第三太極九宮歌曰

太清九方

回秀流雲

總執天機

開通杳冥

碧山紫河

玄微結鄰

太微上府

中有老人

騰天隱道

合景生身

扇霄蔚羅

朱光耀明

天輪回運

經變元成

九淵包絡

通道河津

清微帝一

大洞靈尊

默念契大有

自然成至真

我歌九宮仙

願同朝帝宸

此三界之上飛空之中真王歌音參洞章誦之百遍名度南宮誦之千遍真王保迎萬遍道備飛升九宮過度三界位登仙公有聞靈音魔王敬形敕制地祇侍衛送迎拔出地戶五苦八難七祖升遷永離北山魂度朱陵受鍊更生是謂無量普度無窮有祕上天文諸天共所崇泄慢墮地獄禍及七祖翁

道藏輯要

度人妙經

卷

角集七

道言此二章並是諸天上帝及九宮仙籍隱祕之音內有九真雄一雌一真諱仙聖內名誦詠之者刻書太極證位九宮腦中有紫房真神列坐向外聞此經聲上參太極下應洞響九宮之神告兆仙期也皆是大梵之言非世上常辭言無韻麗曲無華宛故謂之奧難可尋詳上天所寶祕於高上神霄玉清玉府東臺寶藏然科三萬七千年隨運下傳若有至人齋金寶質心依舊格告盟九宮然後而付焉

道言夫天地運度否終日月五星虧盈至聖神人休否末學之夫疾傷凡有此災同氣皆當齊心修齋六時行香十遍轉經福德立降消諸不祥無量之文普度無窮

道言夫末學道淺或仙品未充運應滅度身經太陰臨過之時
同學至人爲其行香誦經十過以度屍形如法則玉華帝妃執
火炬以滅陰邪雲儀玉女擊天磬於腦宮于是百神混合九光
之精入填泥丸返其所始魂神徑上南宮隨其學功計日而得
更生轉輪不滅便得神仙

道言夫天地運終星宿錯度日月翳昏四時失度陰陽不調國
境生災疫毒流行兆民死傷師友命過同學羅殃皆當修齋行
香誦經夫齋戒誦經功德甚重上消天災保鎮帝王下禳毒害
以度兆民生死受賴其福難勝故曰無量普度天人

道言凡有是經能爲天地帝主兆民行是功德有災之日發心
道藏輯要

度人妙經

全

角集七

修齋燒香誦經十過皆諸天記名萬神侍衛右別至人克得爲
聖君金闕之臣諸天記人功過毫分無失天中真王亦保舉爾
身得道者乃當洞明至言也

諸天中大梵隱語無量音 道君撰

元始靈書九宮仙籍諸真寶誨首篇

東方八天

夏圖元鈴

流體射回

恍濡咸泰

周幾明垂

爛龍疋芻

斗江頻雷

仰斷鴻極

招仙納暉

演菁寂著

空蒙華催

都瑤審涂

治之壁刀

察陳澡珂 祕來發深 辨蒼祈蔚
壯卑茂彬

南方八天

赫那提都 明邀診彥 荒度覺攸
璣標暄煥 仗掌雲籍 曾湍游旻
曜勤颺慈 邊塘氣司 駢胡耿池
晶圭薄微 摘卓鄙消 幽羅營屍
靜立冥汰 揚華激彌 滄雲驛童
豐佐畢龜

西方八天

道藏輯要

度人妙經

矣

角集七

療梵諸照 環光秣羅 邀兵無形
堆逵輳圍 應道洛馘 周蒙宛毗
屹左遞縛 朱并丙持 渺但洞澤
僕幽椿奚 亮愬祖穆 由汾淇眞
獨綿閣韓 夷虛角張 密變茲斐
瓊迅時機

北方八天

叱麓擎蔽 岬吟時陸 絳海碧咀
希幽炯梅 逸躍便燭 錫光瑤陀
欽載更驅 每官元師 救潔壘嶽

堅風育悲

族蕩萃遠

淑丕在丹

陽輔葛則

厭車橫鱗

處滅生久

關盤泊嬰

道言此諸天中大梵隱語無量之音舊文刻書太極九宮崇墉之上以詔未度至學之士神棲九宮氣抱太極參味隱韻則錄名仙籍上遊太玄策登左元字皆廣長一丈天真皇人昔書其文以爲正音有知其音能齋而誦之者諸天皆遣太極右卿下觀其身書其功勤上奏諸天萬神朝禮地祇侍門大勳真王保舉九宮道備克得遊行三界升入金門此音無所不辟無所不禳無所不度無所不成天真自然之音也故誦之致太極下觀

道藏輯要

度人妙經

卷

角集七

上帝遙唱萬神朝禮三界侍軒羣祇束首鬼精自亡琳琅振響十方肅清河海靜默山嶽吞煙萬靈振伏招集羣仙天無氛穢地無祲塵冥慧洞清大量玄玄也

角集七音釋

頔音檉 碗音宛 田二十畝也 晶音檄 帟音亦 帳也 魍幼 魍音萬

縻音辱 飾也 縻音噴 黑也 翬音輝 羽聲也 魍音魍 星名 菟音問

草木新生也 嶼胥上聲 島也 暘音陽 宍音霍 楠南上聲 搨也 噉

音授 口噉也 薊音爾 華盛也 璩音渠 環屬 縗音鴈 髻音者 馬鬣

也 藹音薦 花榮也 啍音部 噩音萼 驚也 吟 臙音喟 敗

音珉 和也 嫫音樛 便平聲 杓音于 飲水器 敌音語 禁也 縱音疎

禪衣也 滁音除 水名 撩音聊 水名 蜚音屏 虫名 煙然上聲 沃音

伏 洞流也 漣音產 水名 岬音耶 岨音祖

道藏輯要

度人妙經

七

角集七